



Inatsisartuni ilaasortaq
Hans Enoksen

Brevdato: 08-06-2022
Sagsnr.: 2022 - 12053
Akt-id: 20295760

§ 37 naapertorlugu ESANI A/S pillugu apeqquteqaammut 116-2022-mut akissut

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

Asasara Hans Enoksen

Inatsisartut Suleriaasianni § 37 naapertorlugu ESANI A/S pillugu Naalakkersuisunut apeqquteqaateqarputit. Apeqqutitit uanni akisassanngorlugit innersuunneqarput.

Akissuteqaammut atugassatut ESANI A/S isumassarsiorfissanik pissarsiniarfigineqarpoq. § 37 naapertorlugu apeqquteqaammut nr. 023-2022-mut akissummi ilisimatitsissutigineqartutut ESANI A/S kommunit aktianik piginneqatigiiffigaat, taamaattumillu ESANI A/S pillugu apeqquteqaatit pillugit kommunit imaluunniit ESANI A/S-ip toqqaannartumik saaffigineqartarnissaat inassutigineqarpoq.

1. Kommunit eqqaaveqarnikkut ingerlatsiviat ESANI A/S massakkut qassinik sulisoqarpa?

Akissut: ESANI A/S imatut ilisimatitsivoq: *"ESANI A/S ullumikkut piffissaq tamakkerlugu pingasunik aamma piffissap ilaannaani marlunnik sulisoqarpoq."*

2. Ikuallaaviit sanaartugassat qaqugu sanaartorlugit aallartissappat?

Akissut: ESANI A/S imatut ilisimatitsivoq: *"Nuummi aamma Sisimiuni ikuallaaviit nutaat sanaartorneqarneri aallartereerput, Nuummi betonilerisassat sapaatit akunnerata ataatsip marlulluunniit ingerlanerini aallartinnissaat naatsorsuutigineqarpoq, kiisalu Sisimiuni qaartiterisoqarpoq."*

3. Eqqakkanik katersinermi katersat sumut assartorneqartarpat?

Akissut: Sisimiuni Nuummilu ikuallaaviit nutaat piareerpata, kommunit ilaasortaasut eqqakkat nalinginnaasut ikuallaavinnut marluusunut nassiuttalissavaat.

4. Eqqakkat sumi katersorneqarpat?

Akissut: Kommunit nammineerlutik eqqakkanik nalinginnaasunik ESANI A/S-ip illoqarfinnut nunaqarfinnullu ataasiakkaanut aallernissaata tungaanut katersuisassapput, passussisassapput, poortuisassapput uninngatitsisassallutillu. Tassalu eqqakkat umiarsuakkt nassiunneqarnissaasa tungaanut kommunit isumannaatsumik uninngatitsinermut passussinermullu akisussaasuusassapput.

5. Eqqakkanik katersuineq qanga aallartinneqarpa?

Akissut: Kommunit ukiut arlallit ingerlanerini sulianik annikinnerusunik ingerlataqartarput, taakkunanilu illoqarfinnit/nunaqarfinnit eqqakkanik ikuallaaveqanngitsuniit eqqakkanik illoqarfinnut ikuallaavilinnut assartuisoqartarpoq. Ikuallaaviit nutaat marluk 2024-mi piareerpata, eqqakkat nalinginnaasut kommunit ilaasortaasut illoqarfiiniit nunaqarfiiniillu nuna tamakkerlugu ikuallaavinnut nutaanut assartorneqartalissapput.

6. Nunarput tamaat katersuineq aallartinneqarpa?

Akissut: Ukioq manna Avatangiisinut Aningaasaateqarfimmiit 1,4 mio. koruunit ESANI A/S-ip eqqakkanik aallernissaanut neriorsuutigineqarput. Illoqarfinni nunaqarfinnilu eqqakkat katersuuttut amerlassusaannik ikilisaanissaq siunertaralugu neriorsuuteqartoqarpoq. Kommunit ataasiakkaat namminneerlutik aaqqissuussinermut peqataarusunnerlutik aalajangissavaat. Nuna tamakkerlugu ikuallaaviit suli piariinngimmata, eqqakkat katersorneqartut assersuutigalugu Danmarkimut suliassanngorlugit nassiunneqartassapput.

7. Eqqakkat katersorneqartut qanoq ilillugit assartorneqassappat?

Akissut: ESANI A/S-ip kommunillu eqqakkat qanoq iliorluni katersorneqartassanersut assartorneqartassanersullu aalajangissavaat. ESANI A/S imatut ilisimatitsivoq: *“Eqqakkat umiarsuaq “North Viking” atorlugu assartorneqartassapput/imaatigut angallanneqartassapput. Umiarsuaq ESANI-p piginneqatigiiffiutaata ESANI Shipping ApS-ip pigaa.”*

8. Royal Arctic Line aqutigineqassavaa? Imaluunniit namminersortunik assartuineq ingerlanneqassavaa?

Akissut: ESANI A/S imatut ilisimatitsivoq: *“Eqqakkat ullumikkut pingaartumik North Viking, ESANI-p piginneqatigiiffiutini ESANI Shipping ApS aqutigalugu pigisaa atorlugu assartorneqartarput. “North Viking” atorlugu assartuussinerup saniatigut aamma kommunini pissutsit immikkut ittuunerat pequtigalugu tamanna iluanaarnarnerutillugu, najukkani assartuussisartut allat atorneqartarput.”*

9. Eqqakkat katersorneqartut sumut ikuallaaviit atulinnginnerini katersorneqassappat illoqarfinnut assigiinngitsunut?

Akissut: Ikuallaaviit marluk nutaat piareernissaasa tungaanut kommunit eqqagassalerinermik isumaginnittussaapput. Ikuallaaviit piareerpata kommuni illoqarfimmi nunaqarfimmiluunniit eqqakkat aaneqarnissaasa tungaanut poortuisassapput uninngatitsisassallutillu.

10. Assartuussinissaq sulissusinissarlu tamanut ammassumik suliariumannittussarsiuqqarpap?

Akissut: ESANI A/S imatut ilisimatitsivoq:

"ESANI-miit misilittakkat malillugit maannarpiaq eqqagassanik aallertarneq ataatsimut isigalugu unammilleqatigiiffiginneqarsinnaanngilaq, suli kommunit passussisarnerannut tunngatillugu tunngavissat paasineqanngitsut amerlammata, tamatumalu kingunerisaanik ESANI naliliivoq, suliami ataatsimoortumi tamarmiusumi ESANI-p nammineerluni assartuussineq isumagippagu pissarsiffiunerussasoq..

Suliaq misilittarneqareerpat aammalu tamakkiisumik atorneqalereerpat, niuerneramik tunngaveqarluni neqeroorutinik iluanaarfiusinnaasunik pissarsisoqarsinnaasoq naliliiffigineqarpap, eqqakkanik assartuussisarnerup siunissami namminersortunut neqerooruteqartitsivigalugu misilinneqarnissaa ilimanaateqartorujussuivoq.

11. Suliariumannittuussarsiuqqarsimappat qanga tamanut saqqummiunneqarpa?

Akissut: ESANI A/S imatut ilisimatitsivoq: *"Apeqqut 10-mut akissut takuuk. Tamatuma saniatigut 2020-mi oktobarimi kiisalu 2022-mi marsimi (kranimik pilersuinissamut) ikuallaaviit maskiinassaannut tamanut ammassumik neqerooruteqartitsisoqarpoq. Nuummi illumi suliassat 2022-mi februaarimi neqerooruteqartitsivigineqarput aammalu Sisimiuni 2022-mi apriliimi illumi suliassat neqerooruteqartitsivigineqarlutik."*

12. Eqqakkanik isumaginninneq qaqugu tamakkiisumik ESANI A/S-ip ingerlatilissavaa kommunit ingerlassaat?

Akissut: Nuna tamakkerlugu ikuallaaviit nutaat neriuutiginarlutik 2024-mi piareerpata, ESANI A/S kommuni ilaasortaasut illoqarfiiinut nunaqarfiiinullu eqqakkanik aallertalissapput. ESANI A/S-ip illoqarfiiinut nunaqarfiiinullu assartuussineq isumagissavaa, kiisalu eqqakkat nuna tamakkerlugu ikuallaavinni ikuallanneqartarnissaat isumagissallugu.

ESANI A/S-ip eqqagassalerineq tamakkerlugu tigussanngilaa. Kisianni kommunit suli eqqakkanik passussinermut piiaanermullu akisussaasutut oqartussaasuussapput. Kommunit akisussaaffeqarnermik kingunerisaanik ilaatigut inoqutigiinnut ataasiakkaanut eqqakkanik aallertarnerit, eqqiluisaarnissamut maleruagassat innuttaasunit suliffeqarfiiinullu malinneqarnissaannik atuutsitsineq, kommunit eqqakkanik tigooqqaaviinik poortuisarfiinullu ingerlatineq il.il. isumaginnittussaapput.

13. Namminersorlutik oqartussat massakkumut ESANI A/S-mut qanoq annertutigisunik aningaasanik tapiissuteqarpa tunniussaqaarsimagunik?

Akissut: Avatangiisinut aningaasaateqarfik aqutigalugu ikuallaaviit pilersarusiornissaannut 6 mio. koruuninik tapiissuteqarnissamut neriorsuuteqartoqarpoq. Tamatuma saniatigut sanaartornissarpiaamut 50 mio. koruuninik neriorsuuteqartoqarpoq. Tamatuma saniatigut kommunit poortuinnermut atortunut assigisaannullu, eqqakkat nuna tamakkerlugu ikuallaavinnut assartorneqarnerinut atugassaannut tapiiffigineqarput.

Inussiarnersumik inuulluaqqusillunga


Kalistat Lund



Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisumut apeqqut imaattoq saqqummiuppara:

Naalackersuisunut apeqqut:

- 1. Kommunit eqqaaveqarnikkut ingerlatsiviat ESANI A/S massakkut qassinik sulisoqarpa?**
- 2. Ikuallaaviit sanaartugassat qaqugu sanaartorlugit aallartissappat?**
- 3. Eqqakkanik katersinermi katersat sumut assartorneqartarpat**
- 4. Eqqakkat sumi katersorneqarpat?**
- 5. Eqqakkanik katersuineq qanga aallartinneqarpa?**
- 6. Nunarput tamaat katersuineq aallartinneqarpa?**
- 7. Eqqakkat katersorneqartut qanoq ilillugit assartorneqassappat?**
- 8. Royal Arctic Line aqquutigineqassavaa? Imaluunniit namminersortunik assartuineq ingerlanneqassavaa?**
- 9. Eqqakkat katersorneqartut sumut ikuallaaviit atulinnginnerini katersorneqassappat illoqarfinnut assigiinngitsunut?**
- 10. Assartuussinissaq sulissusinissarlu tamanut ammassumik suliariumannittussarsiunneqarpat?**
- 11. Suliariumannittuussarsiussisoqarsimappat qanga tamanut saqqummiunneqarpa?**
- 12. Eqqakkanik isumaginninneq qaqugu tamakkiisumik ESANI A/S-ip ingerlatilissavaa kommunit ingerlassaat?**
- 13. Namminersorlutik oqartussat massakkumut ESANI A/S-mut qanoq annertutigisunik aningaasanik tapiissuteqarpa tunniussaqaarsimagunik?**

(Inatsisartunut ilaasortaq Hans Enoksen)



Naleraq

Tunnqavilersuut:

Kommunit eqqaaveqarnikkut ingerlatsinerat siunissami ESANI A/S ingerlatilertussaavaa tamannalu tamakkiisumik qaqugu pissanersoq paaserusunnarpoq. Aammalu suliariumannittussarsiuussisoqarsimanersoq paaserusunnarpoq ingerlanneqarsimappallu qanga saqqummiunneqarsimanersoq paaserusunnarpoq, aammalu aningaasaliinerit Namminersorlutik oqartussat aamma ingerlatseqataanersut paaserusunnarpoq.